



穆天子傳序

穆天子傳出汲冢晉荀勗校定爲六卷有序言

其事雖不典其文甚古頗可觀覽予攷書序稱

穆王饗國百年耄荒太史公記穆王賓西王母

事與諸傳說所載多合則此書蓋備記一時之

詳不可厚誣也春秋之時諸侯各有國史多龐

雜之言下逮戰國王迹熄而聖言湮處士橫議

而異端起人人家自爲說求其欲不龐雜其可

得乎其書紀王與七萃之士巡行天下然則徒

衛簡而徵求寡矣非有如秦漢之千騎萬乘空國而出也王之自數其過及七萃之規未聞以爲迂也登羣玉山命邢侯攻玉而不受其牢是先王恤民之法未嘗不行至遇雨雪士皆使休獨王之八駿超騰以先待輒旬日然後復發去是非督令致期也其承成康熙洽之餘百姓晏然雖以徐偃王之力行仁義不足以爲倡而搖天下以知非有暴行雷政而君子猶以王爲獲沒於祗宮爲深幸足以見人心之危之如此也是豈可效哉是豈可效哉存其書者固可以覽其古徵其事者又安可不攷其是非歟南臺都事海岱劉貞庭幹舊藏是書懼其無傳暇日稍加讎校訛舛命金陵學官重刊與博雅之士共之諗予題其篇端云時至正十年歲在庚寅春二月二十七日壬子北岳王漸玄翰序

穆天子傳序

侍中中書監光祿大夫濟北侯臣荀勗撰

序古文穆天子傳者太康二年汲縣民不准盜發古塚所得書也皆竹簡素絲編以臣勗前所考定古尺度其簡長二尺四寸以墨書一簡四十字汲者戰國時魏地也案所得紀年蓋魏惠成王子令王之塚也於世本蓋襄王也案史記六國年表自令王二十一年至秦始皇三十四年燔書之歲八十六年及至太康二年初得此

書凡伍百七十九年其書言周穆王遊行之事
 春秋左氏傳曰穆王欲肆其心周行於天下將
 皆使有車轍馬迹焉此書所載則其事也王好
 巡守得盜驪騄耳之乘造父為御以觀四荒北
 絕流沙西登昆侖見西王母與太史公記同汲
 郡收書不謹多毀落殘缺雖其言不典皆是古
 書頗可觀覽謹以二尺黃紙寫上請事平以本
 簡書及所新寫竝付祕書繕寫藏之中經副在
 三閣謹序

穆天子傳卷之一

晉郭璞註 明范欽訂

古文

飲天子蠲音涓山之上戊寅天子北征乃絕漳水

絕猶截也漳水今在鄴縣庚辰至于口觴天子于盤石之上

觴者所以進酒因云觴耳天子乃奏廣樂史記云趙簡子疾

曰我之帝所甚樂與百神遊於鈞天廣樂九奏萬舞不類三代之樂其聲動心廣樂義見此

載立不舍言在車上至于鈇山之下即鈇山今在常山石

邑縣鈇音邢癸未雨雪天子獵于鈇山之西阿阿山阿也

於是得絕鉞山之隊隊謂谷中險阻道也音遂北循虜沱之

陽虜沱河今在鴈門鹵城縣陽水北沱音橐駝之駝乙酉天子北升于

口天子北征于犬戎國語曰穆王將征犬戎祭公謀父諫不從遂征之得

不至紀年又曰取其五王以東大戎口胡觴天

子于當水之陽天子乃樂口賜七萃之士戰萃集

也聚也亦猶傳有輿大夫皆聚集有智力者為王之瓜牙也庚寅北風雨雪

詩曰北風其涼雨雪其霧天子以寒之故命王屬休令王之徒屬休

息也甲午天子西征乃絕隃之關隘隃陜也疑北謂北陵西隃

西巴亥隃鴈門山也音俞巴亥至于焉居禺知之平疑皆西國名辛

丑天子西征至于鄴人鄴國名音巨肯切河宗之子孫

鄴栢絮伯爵絮名古伯字多以木且逆天子于智之口先豹

皮十良馬二六古者為禮皆有以先之傳曰先進采韋天子使井

利受之井利穆王之嬖臣癸酉天子舍于漆澤一宿為舍乃

西釣于河以觀口智之口甲辰天子獵于滲澤

於是得白狐玄貉焉以祭於河宗以將有事于河奇此獲故

用之漢武帝郊祀得一角白鹿以為祥瑞亦將燎祭之類丙午天子飲于河

水之阿阿水峰也天子屬六師之人于鄴邦之南滲

澤之上屬猶會也戊寅天子西征鷲行至于陽紆之

山鷲猶馳也河伯無夷之所都居無夷馮夷也

夷是惟河宗氏河四瀆之宗主河宗伯天逆天

子燕然之山伯天字也勞用束帛加璧勞郊勞也五

今之先白口天子使邠父受之邠父邠公謀父

癸丑天子大朝于燕口之山河水之阿蓋朝會

將禮也乃命井利梁固梁門大夫聿將六師聿猶天子

命吉日戊午詩曰吉日庚午天子大服冕禕冕冠禕衣

所未詳禕音暉赤帔音弗搢搢音長三

圭搢猶帶也玼亦謂之大夾佩左右佩奉璧南面立

于寒下寒下未詳會祝佐之會重也傳官人陳牲全

五口具牛羊之品曰牲體完曰全牲或天子授

河宗璧河宗伯天受璧西向沉璧于河河位載

再拜稽首稽首首首至地也祝沉牛馬豕羊河宗口命于

皇天子加皇者河伯號之呼穆帝曰穆滿以名

也言諡蓋後記事者之辭女當求致用昔事語穆王當長南

向再拜穆王河宗又號之帝曰穆滿示女春山

之瑤山海經春字作鍾音同詔女昆侖口舍四

平泉七十疑皆說崑崙乃至於崑崙之丘以觀

春山之瑤皆河伯與穆王詞語賜語晦月終為晦言天子

受命南向再拜受河伯命已未天子大朝于黃之山

將禮河而去乃披圖視典用觀天子之瑤器省河所曰視禮圖

天子之瑤曰河圖玉果石似美玉所璿珠璿玉類也

音旋燭銀銀有精光如燭黃金之膏金膏亦猶玉膏皆其精洵也天子

之瑤萬金口瑤百金士之瑤五十金鹿人之瑤

十金自萬金以下宜次言諸侯之瑤千金大夫之瑤百金此書殘缺集錄者不續以見闕

天子之弓射人步劔牛馬犀口器千金步劔疑步

光之劔也犀似水牛天子之馬走千里勝人猛

獸言烝勢傑駭也天子之狗走百里執虎豹言勦力壯猛也栢

天曰征鳥使翼曰口鳥鳶音綠也鸛鷄飛八百里

即鷓鴣也名獸使足口走千里狡狴口野馬走五

百里狡狴獅子亦食虎豹野馬亦如馬而小狡音俊狴音倪邛邛距虛走

百里亦馬屬尸子曰距虛不擇地而走麋口二

十里自麋已上似次第曰栢天皆致河典典禮也自

此以上事物皆河圖數載乃乘渠黃之乘為天

子先先驅導以極西土竟乙丑天子西濟于河

口爰有溫谷樂都溫谷言冬暖也燕河宗氏之

所遊居伯天之別州邑丙寅子屬官效器會官司開所得瑤物乃

命正公郊父正公謂三上公天子所取正者郊父為之受勅憲憲教令也

管子曰皆受憲用伸口八駿之乘八駿名在下以飲于枝詩

之中水岐成詩詩小渚也音止積石之南河積石山名今在河間縣南

天子之駿駿者馬之美稱赤驥世所謂盜驪

為馬細頸驪黑色也白義踰輪山子渠黃華騮色如華而赤今名馬

標赤者為棗騮棗騮赤也綠耳絲耳曰北唐之君來見以一千里馬白色而兩耳黃名曰黃耳即此類也八

駿皆因其毛色以為名號耳案史記造父為穆

王得盜驪華騮綠耳之馬御以西巡遊見狗重

工徹止翟猥口黃南口來白皆凌狗之名亦猶宋鵲之類天

子之御造父三百下云三百為御者耿脩芍及造父善御穆王

封之於趙城餘未聞也曰天子是與出口入藪田獵鈞弋

天子曰於乎予一人不盈于德盈猶充也而辨

於樂辨作遊樂之事後世亦追數吾過乎穆王遊放過度行輒忘歸

故作此言以自警也七萃之士口天子曰後世所望無失

天常奉天時也農工既得歲豐登也男女衣食無饑寒也百姓

瑤富富者安也官人執事各視職事故天有時四時民口氏

響口音國何謀於樂言不規樂而樂自及何意之忘常慎德也與

民共利以為常也天子嘉之善其賜以左佩華

也玉華之佩佩之精也乃再拜頓首

穆天子傳卷之二

穆天子傳卷之二

晉郭璞註 明范欽訂

古文

口栢夭曰口封膜書于河水之陽膜畫人名疑音莫以

為殷人主主謂主其祭祀言同姓也丁巳天子西南升口之

所主居似說古之賢聖以居爰有大木碩艸碩大也爰有野

獸可以畋獵戊午噶口之人居慮古疇字居慮名獻酒

百口于天子百下脫盛酒器名天子已飲而行遂宿于

昆侖之阿赤水之陽昆侖出有五色水赤水出東南隅而東北流皆見山

經海爰有鷓鴣鳥之山鷓音甄天子三日舍于鷓鴣

之山口吉日辛酉天子升于昆侖之丘以觀黃

帝之宮黃帝巡遊四海登昆侖山而豐口隆之

葬隆上字疑作豐豐隆筮御雲得大壯卦遂為

地以標以詔後世詔謂癸亥天子具蠲齊牲全

以禋口昆侖之丘蠲者潔也齊祭神曰禋書甲

子天子北征舍于珠澤此澤出珠因名之云今

以釣于流水曰珠澤之藪方三十里澤中有草

爰有萑葦莞蒲莞菘蒲或曰莞蒲齊茅蕝蕝今

音兼兼兼荷也似萑萋莠屬詩曰乃獻白玉口隻

口角之一口三可以口沐乃進食口酒十口姑

剗九口亦味中麋胄而滑中猶因獻食馬三百

可以供牛羊三千天子口昆侖此以上似說封

以守黃帝之宮南司赤水而北守春山之寶欲

崇表聖德因天子乃口之人口吾黃金之環三

五空邊等朱帶貝飾三十淮南子曰其貝工布

之四口吾乃膜拜而受今之胡人禮佛舉手加

也音天子又與之黃牛二六以為犧以三十口

人於昆侖丘季夏丁卯天子北升于春山之上以望四野曰春山是唯天下之高山也孳木口

華畏雪天子於是取孳木華之實持歸種之曰

春山之澤清水出泉溫和無風烝條適也飛鳥百獸

之所飲食先王所謂縣圃淮南子曰昆侖去地一萬一千里上有層

城九重或上倍之是為閼風或上倍之是謂玄圃以次相及山海經云明明昆侖京圃各一山

但相近耳又曰實天子於是得玉策枝斯之英唯帝之平圃也

英王之精華也尸子曰龍泉有玉英山海經曰黃帝乃取密山之玉策而投之鍾山之陽是也

曰春山百獸之所聚也飛鳥之所棲也爰有口

獸食虎豹如麋而載骨盤口始如麇小頭大鼻

麇麇是也爰有赤豹白虎詩云赤豹黃羆熊羆豺狼野馬野

牛山羊野豕今華陰山有野牛爰有白鳥青鷗

執太羊食豕鹿今之鷗赤能食獐鹿曰天子五日觀于春

山之上乃為銘迹於縣圃之上以詔後世謂勒石銘

功德也秦始皇漢武帝巡守登名山所在刻石立表此之類也壬申天子西征

甲戌至于赤烏赤烏之人口其獻酒千斛于天

子食馬九百羊牛三千糝麥百載糝似黍而不粘天子

使祭父受之曰赤烏氏先出自周宗與周同大

王亶父

即古公亶父字也

之始作西土

言作興於岐山之下今邑在扶

風美陽是也

封其元子吳太伯于東吳

太伯讓國入吳因即封之

於詔以金刃之刑

南金精利故與其刑法也

賄用周室之璧

賄贈賄也

封丌璧臣長季綽于春山之風妻以元女

詔以玉石之刑

昆侖山出美玉石處故以語之

以為周室主天

子乃賜赤烏之人口其墨乘四

周禮大夫乘墨車

黃金

四十鎰

二十兩為鎰

貝帶五十珠三百裹丌乃膜拜

而受

裹音罪過之過丌名赤烏人名也

曰口山是唯天下之良

山也寶玉之所在嘉穀生之草木碩美天子於

是取嘉禾以歸樹于中國

漢武帝取外國香草美菜種之中國曰

天子五日休于口山之下乃奏廣樂赤烏之人

丌獻好女于天子

所以結恩好也

女聽女列為嬖人

聽名失一女名下文

曰赤烏氏美人之地也寶玉之所在

也巳卯天子北征趙行口舍

趙猶超騰舍三十里

庚辰

濟于洋水

洋水出昆侖山西北隅而東流洋音詳

辛巳入于曹

奴之人戲觴天子于洋水之上

戲國人

乃獻食

馬九百牛羊七千糝米百車天子使逢固受之

逢固周大夫

天子乃賜曹奴之人戲口黃金之鹿銀

口今所在地中得玉胞金狗之類貝帶四十珠此皆古者以賂夷狄之奇貨也

四百裏戲乃膜拜而受壬午天子北征東還從

頭而甲申至于黑水水亦出昆侖山西西膜之

所謂鴻鷺西膜沙膜之鄉似言外域人名物與

穀梁傳曰狄人謂瀆泉失名於是降雨七日天

子留骨六師之屬穆王馬駿而御良天子乃封

長肱于黑水之西河即長臂人也身如中國臂

此人裾也長脚人國又在赤海東皆見山海經是惟鴻鷺之上以為周

室主是曰留國之邦因以辛卯天子北征東還

乃循黑水癸巳至于羣玉之山即山海經云羣

居者容口氏之所守曰羣玉田山口知阿平無險

言邊無四轍中繩言皆先王之所謂策府言往

險阻也寡草木而無鳥獸言純玉

爰有口木西膜之所謂口天子於是取玉三乘

玉器服物環佩於是載玉萬隻隻玉為穀天子

四日休羣玉之山休遊乃命邠侯待攻玉者待留

邠今廣平孟秋丁酉天子北征口之人潛時潛

裏邑縣觴天子于羽陵之上乃獻良馬牛羊天子以

其邦之攻玉石也不受其牢

重慎費其牢牲禮也

栢天曰

口氏檻口之後也天子乃賜之黃金之罍三六

卽孟也徐州謂之罍

朱三百裏潛時乃膜拜而受戊戌天

子西征辛丑至于劓閭氏

倚音

天子乃命劓閭氏

供食六師之人

天子六軍詩曰周王于邁六師及之

于鐵山之下

壬寅天子登于鐵山乃徹祭器于劓閭之人

祭以

餘胙賜之

溫歸乃膜拜而受

溫歸名也

天子已祭而行乃

遂西征丙午至于鸚韓氏爰有樂野溫和祭麥

之所草

此字作草下阜疑古茂字

犬馬牛羊之所昌

昌猶盛也

寶

玉之所口丁未天子大朝于平衍之中

衍墳之下者見

周禮

乃命六師之屬休已酉天子大饗正公諸侯

王吏七萃之士于平衍之中鸚韓之人無鳧乃

獻良馬百匹用牛三百

可服用者

良犬七千

調習者

物

牛二百野馬三百牛羊二千糝麥三百車天子

乃賜之黃金銀罍四七貝帶五十珠三百裏變

口雕官無鳧上下乃膜拜而受

疑古上下字今夷狄官多復名

庚戌天子西征至于玄池天子三日休于玄池

之上乃奏廣樂三日而終是曰樂池

因改名為廣樂池猶

漢武改祠鄉為聞喜之類

天子乃樹之竹

種竹池邊

是曰竹林

木竹

盛者為林

癸丑天子乃遂西征丙辰至于苦山西膜

之所謂茂苑天子於是休獵於是食苦

苦草名可食

丁巳天子西征巳未宿于黃鼠之山西口乃遂

西征癸亥至于西王母之邦

穆天子傳卷之二

穆天子傳卷之三

晉郭璞註

明范欽訂

古文

吉日甲子天子賓于西王母

西王母如人虎齒蓬髮戴勝善嘯紀

年穆王十七年西征崑崙丘見西王母其年來見賓于昭公

乃執白圭玄璧

以見西王母

執贄者致敬也

好獻錦組百純錕組三百

純

純正端名也周禮曰純帛不過五兩組綬屬音祖

西王母再拜受之

銛乙丑天子觴西王母于瑤池之上西王母為

天子謠

徒歌曰謠

曰白雲在天山際

陵字

自出道里悠

遠山川間之間音諫將子無死將請也尚能復來尚庶

也幾天子答之曰予歸東土和治諸夏萬民平均

吾顧見汝顧還也比及三年將復而野復返此野而見汝也

天子遂驅升于弇山弇山日入所也乃紀丌跡于弇

山之石銘題之而樹之槐眉曰西王母之山言是西王

母所居也西王母之山還歸丌錯世民作憂以吟曰

比徂西土徂往也爰居其野虎豹為羣於鵠與處

於讀曰鳥嘉命不遷言守此一方我惟帝帝天也天子大命

而不可稱顧世民之恩流涕歔隕吹笙鼓簧簧在

中笙中中心翔翔憂無薄也世民之子唯天之望所瞻也丁

未天子飲于溫山口考鳥紀年曰穆王見西王母止之日有鳥鴈人

疑說此鳥脫落不可知也巴西天子飲于溱水之上溱音淑乃

發憲令憲謂法令詔六師之人口其羽爰有口藪水

澤爰有陵衍平陸大阜曰陵高平曰陸碩鳥物羽六師之

人畢至于曠原言將獵也下云北至曠原之野飛鳥之所解其羽山海經云大

澤方千里羣鳥之所生及所解紀年曰穆王北征行積羽千里皆謂此野耳曰天子

三月舍于曠原口天子大饗正公諸侯王勒七

萃之士勒猶勞也于羽琤之上下有羽陵疑亦同乃奏廣樂

口六師之人翔馭于曠原翔猶遊也得獲無疆無疆無限

也鳥獸絕羣言取盡也六師之人大畋九日乃駐于

羽之口收皮効物物謂毛色也詩云九十維物債車受載債猶

借也天子於是載羽百車十羽為箴百羽為縛十縛為緡見周官已

亥天子東歸六師口起庚子至于口之山而休

以待六師之人庚辰天子東征癸未至于戊口

之山智氏之所處口智口往天子于戊口之山

勞用白驂二疋驂駢馬也野馬野牛四十守犬七十

任守備者乃獻食馬四百牛羊三千曰智氏口天子

北遊于緡子之澤智氏之夫獻酒百口于天子

天子賜之狗璫采疑玉名黃金之罍二九貝帶四

十珠丹三百裹桂薑百口乃膜拜而受乙酉天

子南征東還已丑至于獻水乃遂東征飲而行

乃遂東南已亥至于瓜纊之山三周若城言山周匝

三重狀闕氏胡氏闕音過之所保天子乃遂東征

南絕沙衍沙衍水中辛丑天子渴于沙衍沙中無水

泉求飲未至七萃之士高奔戎刺其左驂之頸

取其青血以飲天子今西方羗胡刺馬咽取血飲渴亦愈天子美

之乃賜奔戎佩玉一隻奔戎再拜詣首古稽天

子乃遂南征甲辰至于積山之邊爰有夢栢曰

曷余之人命懷命懷人名獻酒于天子天子賜之黃

金之罌貝帶朱丹七十裹命懷乃膜拜而受乙

巳口諸飢獻酒于天子諸飢亦人名音犍牛之犍天子賜之

黃金之罌貝帶朱丹七十裹諸飢乃膜拜而受

之

穆天子傳卷之三

穆天子傳卷之四

晉郭璞註 明范欽訂

古文

庚辰至于滔水濁繇氏之所食山海經曰有川名曰三淖昆吾

之所食亦此類辛巳天子東征癸未至于蘇谷骨飢氏

之所衣被言谷中有草木皮可以為衣被乃遂南征東還丙戌

至于長淡重鬪氏之西疆疆界也丁亥天子升于

長淡乃遂東征庚寅至于重鬪氏黑水之阿爰

有野麥自然生也爰有答董祗謹兩音西膜之所謂木禾

木禾粟類也長五尋重颯氏之所食爰有采石

之山出文采重颯氏之所守曰枝斯璿瑰璿瑰玉名

左傳曰贈我以璿瑰旋回兩音璿亦玉名琅玕石似珠也玲

瓊皆玉名字皆無玕琪王屬也于徽尾無

焉凡好石之器于是出盡出此山孟秋癸巳天子命

重颯氏共食天子之屬音共言不五日丁酉天

子升于采石之山於是取采石焉天子使重颯

之民鑄以成器于黑水之上今外國人所鑄作

器服物佩好無疆曰天子一月休秋癸亥天子

觴重颯之人鰥鯨乃賜之黃金之罍二九銀鳥

一隻貝帶五十珠七百裏筒箭桂薑百崗絲纁

雕官鰥鯨乃膜拜而受乙丑天子東征鰥鯨送

天子至于長沙之山口隻天子使栢天受之栢

天曰重颯氏之先三苗氏之口處以黃水躡銀

采口乃膜拜而受三苗舜所竄於三危山者丙寅天子東征

南還巳巳至于文山西膜之所謂口觴天子于

文山西膜之人乃獻食馬三百牛羊二千糝米

千車天子使畢矩受之曰口天子三日遊于文

山於是取采石

以有采石故號文山

壬寅天子飲于文山

之下文山之人歸遺

歸遺名也

乃獻良馬十駟

四馬為駟

用牛三百守狗九十牝牛二百以行流沙

此牛能行

流沙中如橐駝

天子之豪馬豪牛

豪猶髭也山海經云髭馬如馬足四節皆

有龍狗

龍龍茸謂猛狗或曰龍亦狗名

豪羊

似髦牛

以三十祭文

山又賜之黃金之罍二九貝帶三十朱三百裹

桂薑百崗歸遺乃膜拜而受癸酉天子命駕八

駿之乘又服黼黻

疑驂字

而左繚耳右驂赤龍

古驥

而左白俄

古義字

天子主車造父為御啗啗為

右次車之乘

次車副車

右服渠黃而左踰輪右盜驪

而左山子栢天主車參百為御奔戎為右天子

乃遂東南翔行馳驅千里

一舉轡千里行如飛翔

至于臣

蒐之人彌奴乃獻白鵠之血以飲天子

所以飲血益人

因具牛羊之湏

湏乳也今江南人亦呼乳為湏音寒東反

以洗天

子之足

令肌膚滑

及二乘之人

謂主天子車及副車者也

甲戌巨

蒐之彌奴觴天子于焚留之山乃獻馬三百牛

羊五千秋麥千車

秋麥禾也

膜稷三十車

稷粟也膜未聞

天

子使栢天受之好獻枝斯之石四十

精者為英

俚韶

鼻鬚秘佩百隻琅玕四十觀颯十篋疑此紆葛之屬天

子使造父受之口乃賜之銀木蠶采黃金之嬰

二九貝帶四十朱三百裏桂薑百崗彌奴乃膜

拜而受乙亥天子南征陽紆之東尾尾山後也乃遂

絕毳膏之谷已至于纒瑯河之水北阿爰有磈

澠之口河伯之孫今西有渠搜國疑磈渠字事皇天子之山

有模董其葉是食明后模董木名后右也董音謹天子嘉之

賜以佩玉一隻栢夭再拜稽首癸丑天子東征

栢夭送天子至于鄘人鄘伯絮觴天子于澡澤

之上澠水多之澠水河水之所南還還回也音旋曰

天子五日休于澡澤之上以待六師之人戊午

天子東征顧命栢夭歸于兀邦天子曰河宗正

也栢夭再拜稽首辭去也天子南還升于長松之

隘坡有長松孟冬壬戌至于雷首雷首山名今在河東蒲坂縣南也

犬戎胡觴天子于雷首之阿乃獻食馬四六天

子使孔牙受之曰雷水之平寒寡人具犬馬牛

羊爰有黑牛白角爰有黑羊白血記異也癸亥天

子南征升于髡之隘音訾丙寅天子至于鉞山之

隊東升于三道之隘乃宿于二邊命毛班

毛班毛伯

衛之先也逢固先至于周以待天之命癸酉天子命

駕八駿之乘赤驥之駟造父為御口南征翔行

逕絕翟道翟道在隴西謂截隴坂過升于太行南濟于河馳

驅千里遂入于宗周官人進白鵠之血以飲天

子以洗天子之足亦謂乳也造父乃具羊之血以飲

四馬之乘一與王同車御右之屬左傳所謂四乘是也庚辰天子大

朝于宗周之廟乃里西土之數里謂計其道里也紀年曰穆王

西征還里天下億有九萬里曰自宗周灑水以西灑水今在洛西洛即

成周也音纏至于河宗之邦陽紆之山三千有四百

里自陽紆西至于西夏氏二千又五百里自西

夏至于珠余氏及河首千又五百里自河首襄

山以西南至于春山珠澤昆侖之丘七百里自

春山以西至于赤鳥氏春山三百里東北還至

于羣玉之山截春山以北截猶阻也自羣玉之山以

西至于西王母之邦三千里口自西王母之邦

北至于曠原之野飛鳥之所解其羽所謂解千

有九百里口宗周至于西北大曠原按山海經云羣鳥所

集澤有兩處一方百里一方千里即此大曠原也 萬四千里乃還東南

復至于陽紆七千里還歸于周三千里各行兼

數三萬有五千里吉日甲申天子祭于宗周之

廟告行反也書大傳曰反必告廟也乙酉天子口六師之人于

洛水之上丁亥天子北濟于河口羝之隊以西

北升于盟門九河之隘盟門山今在河北尸子曰河出于盟門之上

乃遂西南仲冬壬辰至彙山之上乃奏廣樂三

日而終吉日丁酉天子入于南鄭今京兆鄭縣也紀年穆王

元年築祗宮于南鄭傳所謂王是以獲沒于祗宮者穆天子傳卷四

穆天子傳卷之五

晉郭璞註 明范欽訂

古文

寶處曰天子四日休于濩澤今平陽濩澤縣是也音濩特於

是射鳥獵獸丁丑天子口雨乃至祭父自圃鄭

來謁鄭有圃田因云圃鄭謁告也留昆歸玉百枚留昆國見紀年陵

翟致賂陵翟隗姓國也音峻良馬百駟傳曰文歸畢之寶

畢國名言翟前取此寶也以詰其成成謂平也詰猶責也陵子曷胡口

東牡夷狄有德者稱子疇胡名見許男于洧上男爵也許國今許昌縣洧

穆天子傳卷之五

水之所在音羽美反祭父以天子命辭曰去茲羔用玉帛

見禮男執蒲璧許男欲崇謙故執羔也許男不敢辭奉王命還取束

帛加璧口毛公舉幣玉毛公即毛班也是日也天子飲

許男于洧上天子曰朕非許邦而恤百姓口也

咎氏宴飲毋有禮禮天子稱異姓諸侯為伯舅燕者私會不欲崇禮敬也管子曰伯舅無下拜字亦作舅咎猶舅也許男不敢辭升坐于出尊

禮記曰反玷出尊唯兩君為好既獻反爵玷上出尊蓋此之類也坐之於尊邊使為酒魁欲以

盡歡言曲乃用宴樂宴也天子賜許男駿馬十六稱

者名馬也許男降再拜空首空首頭至于地周禮三日空拜乃

坐及暮天子遣許男歸癸亥天子乘鳥舟龍卒

浮于大沼沼池龍下有舟字舟皆以龍鳥為形制今吳之青雀舫此其遺制者夏

庚午天子飲于洧上乃遣祭父如圃鄭用口諸

侯辛未天子北還釣于漸澤食魚于桑野丁丑

天子里圃田之路盡規度以為苑圃地而虞守之也東至于房

房房子屬趙國地有嶺山西至于口丘南至于桑野北盡經

林煮口之藪南北五十口十虞東虞曰兔臺西

虞曰櫟丘櫟今河南陽翟縣音櫟南虞曰口富丘北虞曰

相其御虞曰口來虞所口辰天子次于軍丘以

穆天子傳卷之五

音丙也與井公博三日而決疑井公賢人而隱枋

辛丑塞戒不如故至于臺乃大暑除天子居于

臺以聽天下之因以避暑遠方口之數而眾從之是

以選勃音勃乃載之神人口之能數也有道也乃左

右望之占候也天子樂之愛其術也命為口而時口焉

口其名曰口公去乘人口猶口有虎在乎葭中

天子將至七萃之士高奔戎請生捕虎必全

之乃生捕虎而獻之詩所謂袒裼暴虎獻天子

命之為柙柙檻也論語曰而畜之東虞是為虎

牢因以名其地也今天子賜奔戎駉馬十駟爾雅

駉曰駉獵齊歸之太牢牛羊豕奔戎再拜頡首丙

辰天子北遊于林中乃大受命而歸仲秋甲戌

天子東遊次于雀梁一宿為舍再宿口嘉書于

羽林謂暴書中嘉書也季秋口乃宿于所畢人告

戎告戎曰陵翟來侵天子使孟念如畢討戎音念

霍侯舊告薨霍國今在平陽未天子臨于軍

丘狩于藪季冬甲戌天子東遊飲于留祈射于

麗虎讀書于荔丘君舉必書口獻酒于天子乃

奏廣樂天子遺其靈鼓乃化為黃蛇周禮曰靈鼓四面洪

範所謂是日天子鼓道其下而鳴鼓從失鼓而擊

鼓妖也乃樹之桐因此樹梧桐以為

鼓則神且鳴則利於戎宜以以為琴則利口于

黃澤東遊于黃澤宿于曲洛洛水之阻廢口使

宮樂謠宮樂典曰黃之池其馬散沙散轡也皇

人威儀威畏黃之澤其馬散玉皆諸皇人受穀

穀生丙辰天子南遊于黃口室之丘以觀夏后

啓之所居疑此言大室之丘嵩高山啓母在此

啓石也皆見歸乃口于啓室以謂入天子筮獵

萃澤餅音其卦遇訟坎下逢公占之曰訟之繇

繇文辭藪澤蒼蒼其中口宜其正公戎事則從

水性平而天無私兵祭祀則熹畋獵則獲口飲

逢公酒賜之駿馬十六締紵三十篋締葛逢公

再拜稽首賜筮史孤口有陰雨夢神有事有事

是謂重陰因以天子乃休日中大寒北風雨雪

有凍人天子作詩三章以哀民哀猶曰我徂黃

竹口員閔寒帝收九行行道也言收羅九域之

道嗟我公侯百辟冢卿辟君冢卿冢宰皇我萬民皇正也

旦夕勿忘恒念之也我徂黃竹口員閔寒帝收九行

嗟我公侯百辟冢卿皇我萬民旦夕勿窮今無困也

有皎者駱駱鳥名皎白兒音路翩翩其飛言得意也嗟我公侯

口勿則遯自侯以下似當云百辟冢卿皇我萬民口勿則遯居樂甚寡

言守一不如遯土居無求安禮樂其民言當以禮樂化其人也

天子曰余一人則濞濞于遊樂不皇萬民口登乃宿

于黃竹天子夢羿射于塗山羿有窮氏帝善射者祭公占

之䟽口之口乃宿于曲山壬申天子西升于曲

山口天子西征升九阿疑今西安縣十里九坂也南宿于丹

黃戊寅天子西升于陽口過于靈口井公博穆王

往反輒從井公博遊明其有道德人也乃駕鹿以遊于山上為之

石主而口冀軫即軫坂也今杜河東大陽縣傳曰入于冀軫巔軫二音乃

次于涇水之陽今之涇津也在河東河北縣音項脰之脰吉日丁亥

天子入于南鄭

穆天子傳卷之五

穆天子傳卷之六

晉郭璞註 明范欽訂

古文

之虛皇帝之閭乃口先王九觀以詔後世

此復是登

名山有所銘勒封建也殘缺字多不可推考耳

已已天子口征舍于菹

臺辛未紐菹之獸

管子曰菹菜之壤今吳人呼田獵茸草地為菹音置於

是白鹿一牾藥逸出走

言突圍出牾觸也或曰所駕鹿迂猶駕也天

子乘渠黃之乘口焉

自此已上疑說

天子丘之

丘謂為之名號方言耳

是曰五鹿官人之口是丘口其皮

是曰口皮口其脯是曰口脯天子飲于漂水之

上漂水今濟陰官人膳鹿獻之天子天子美之

是曰甘自此以上皆因鹿以名所在池用紀之

癸酉天子南祭白鹿于漂口乃西飲

于草中草地大奏廣樂大謂盛也是曰樂人亦以紀之

甲戌天子西北口姬姓也盛栢之子也疑盛國名

長今盛栢為姬姓之是曰盛門天子乃為之臺

是曰重璧之臺言臺狀如壘璧戊寅天子東徂

于澤中逢寒疾言盛姬在此天子舍于澤中盛

姬告病天子憐之口澤曰寒氏以名盛姬求飲

天子命人取漿而給得之速也傳是曰壺鞮壺器

天子西至于重璧之臺盛姬告病

口天子哀之上疑說盛是曰哀次哭泣之天子

乃殯盛姬于穀丘之廟先王之廟有在此者壬

寅天子命哭令羣臣啓為主為之喪主即下伊

祭文賓喪禮也天子王女叔姪為主叔姪

天子口賓之命終哀禮終禮也於是殤

音癰瘞

祀而哭殤未成喪盛也內史執策所以書贈賜之事內史主冊

命官人口丌職曾祝敷筵席設几敷猶鋪也周禮曰喪事仍

几盛饋具饋具也肺鹽羹肉也當以音行載大脯棗醢清

也音醢肉醬也魚腊乾魚也糗寒粥也韭韭菹百物言備有也乃

陳腥俎十二乾豆九十鼎敦壺尊四十敦似槃音堆

器雜器也曾祝祭食禮雖喪祭皆祭食示有所先也進肺鹽祭酒

以肺換鹽中以祭所謂振祭也以禮以肺見少牢饋食也乃獻喪主伊扈伊

扈拜受口祭女又獻女主叔姪叔姪拜受祭口

祝報祭觴大師樂官乃哭卽位就喪位也畢哭內史口

策而哭策上宜作讀既夕禮曰曾祝捧饋而哭

捧兩手持也御者口祈而哭侍御者禮曰抗者觴夕

而哭抗猶舉也禮記曰佐者承斗而哭佐斂者也斗斟

水杓也佐者佐飲也衣裳佩口而哭樂口人陳琴瑟

口竽疑竽上宜作屬籥如笛今戟吏所吹者箎箎如併

管而哭百口衆官人各口其職事以哭百族猶

曰士女錯踊九口乃終錯互也哭則三踊三哭而九踊所謂成踊者也

壘主伊扈哭出造舍倚廬也父兄宗姓及在位者

從之佐者哭佐斂者也且撤饋及壺鼎俎豆皆佐者主為之

衆官人各口其職皆哭而畢井利口事後出

而收井利所以獨後出者典喪祭器物收斂之也或曰井利稽慢出不及輦故收縛之

癸卯大哭殤祀而載載祖也甲辰天子南莖盛姬

於樂池之南池即玄也天子乃命盛姬口之卒視皇

后之葬法視猶也亦不邦後于諸侯疑字錯誤也河

濟之間共事供給也韋穀黃城三邦之士輦卒輦謂

挽輶車發三國之衆以示榮侈七萃之士抗者即車舉棺以會

祝先卒導也大匠御棺為棺御也周禮曰卒祝為御禮記曰諸侯御柩以羽

孫謂在前為日月之旗七星之文言旗上畫日月及北斗星

也禮記曰日月鼓鐘以葬龍旗以口鳥以建鼓為旗常以通名

獸以建鐘龍以建旗曰卒之先後及哭踊者之

間畢有鐘旗口百物卒器井利典之列于卒行

靡有不備行行伍擊鼓以行卒舉旗以勸之令盡哀也

擊鐘以止哭彌旗以節之為節音節彌猶低也曰口祀大

哭九而終卒出于門喪主即位就哭也周室父兄

子孫倍之倍倍列位也諸侯屬子宗屬子王吏倍之外

官王屬七萃之士倍之在外官所主姬姓子弟倍

之盛姬之族屬也執職之人倍之執職猶執事也百官衆人倍

之哭者七倍之列七踊者三十行行萃百人百人

為一倍女主即位嬖人羣女倍之嬖女王所王

臣姬姓之女倍之疑同姓之女為大夫宮官人

倍之宮官為宮賢庶妾倍之庶妾眾哭者五倍

踊者次從以次曰天子命喪一里而擊鐘止哭

曰匠人哭于車上御棺不會祝哭于壘前七萃

之士哭於喪所曰小哭錯踊三踊而行五里而

次次猶曰喪三舍至于哀次五舍至于重璧之

臺三十里為乃休休駐天子乃周姑繇之

水以圜喪車決水周繞之也是曰囿車以號曰

殤祀之於此孟冬辛亥邢侯曹侯來弔曹國今

陶縣內史將之以見天子天子告不豫而辭焉

不豫辭病也尚邢侯曹侯乃弔太子太子哭出

廟門以迎邢侯曹侯再拜勞之問勞侯不答拜

謙不敢與邢侯謁哭于廟謁告太子先哭而入

西向即位內史賓侯賓北向而立大哭九邢侯

厝踊三而止與太子太子送邢侯至廟門之外

邢侯遂出太子再拜送之曹侯廟弔入哭太子

魯天子傳卷之六

送之亦如邢侯之禮雖吊異而禮同壬子天子具官見邢

侯曹侯具官備禮相見天子還返將邢侯曹侯執見拜天

子之武一義所未聞天子見之乃遣邢侯曹侯歸于

其邦王官執禮共于二侯如故言不以喪廢禮曰天子

出憲憲命以或祿賄此以上似說賄贈事衣物曰祿音遂癸丑大哭

而口甲寅殤祀大哭而行喪五舍于大次曰喪

三日于大次停三日也殤祀如初辛酉大成百物皆

備送葬之物俱備壬戌葬史錄繇鼓鐘以赤下棺也七

萃之士口士女錯踊九口壻下下謂入土昧爽天子

使嬖人所愛幸者贈用文錦明衣九領謂之明衣言神明之衣

宰宗伊扈贈用變裳宗亦主變裳裳名也女主叔姪贈用

茵組茵褥百嬖人官師畢贈言盡有祿賄也官師羣士號也禮記曰官

井利乃藏藏之於墓所報哭于大次報猶反也大次有次

祥祠口祝壻罷哭辭于遠人辭謝為盛姬

諡曰哀淑人恭人短折曰哀天子丘人為丘作名是日淑人

之丘乙丑天子東征舍于五鹿叔姪思哭思哭盛姬

是日女姪之丘因以名五鹿也丁卯天子東征鈞于潔

水以祭淑人是日祭丘巴巴天子東征食馬于

漂水之上乃鼓之棘是曰馬主未詳所云癸酉天子

南征至于蒞臺仲冬甲戌天子西征至于因氏

國天子乃釣于河以觀姑繇之木姑繇大木也山海經云尋

木長千里生海邊謂此木類丁丑天子北征戊寅舍于河上

乃致父兄子弟王臣姬口祥祠畢哭上云王臣姬姓之女

疑此亦同也終喪于囂氏服闋已卯天子西濟于河囂

氏之遂庚辰舍于茅尺地名於是禋祀除喪始樂

素服而歸哀未忘也是日素氏天子遂西南癸未至

於野王今河內縣甲申天子北升于大北之陞疑此太行

也山而降休于兩栢之下有兩栢也天子未念傷心乃

思淑人盛姬於是流涕七萃之士萇豫上諫于

天子曰自古有死有生豈獨淑人天子不樂出

於求思求思有益莫忘其新言思之有益者莫忘更求新人天

子哀之乃又流涕聞此言愈更增感也是日輟已未乙酉

天子西絕鉞陞即鉞山之坂一云癸巳遊乃遂

西南戊子至于鹽鹽池今在河東解縣鹽音古已丑天子南

登于薄山寘軫之陞今軫橋西南懸絕中央有兩道乃宿于虞

虞國名今太陽縣庚申天子南征吉日辛卯天子入于

虞國名今太陽縣

穆天子傳卷之六

南鄭

三

卷六

六

穆天子傳卷之六終



